

დაბადებიდან

90
წელი



პროფესორი გურამ ტატიშვილი

ბახსენება

18 სექტემბერს თვეს ბატონი გურამი 90 წლის გახდებოდა.

მისი ჯანმრთელობიდან და ცხოვრების წესიდან გამომდინარე ბატონი გურამის მიერ ამ ასაკის მიღწევა მის უმცროს კოლეგებს სრულიად მიღწევად მიგვაჩნდა. ამიტომ მოულოდნელი იყო ჩვენთვის ინფორმაცია მისი გარდაცვალების შესახებ.

ბატონმა გურამ ტატიშვილმა მოახდინა საქართველოს ქირურგთა საზოგადოების რეანიმაცია, მისი ყოფილი ხელმძღვანელის, პროფესორ თენგიზ ახმეტელის გარდაცვალების შემდეგ.

უფრო მეტიც, მისი ხელმძღვანელობის პერიოდში გრიგოლ მუხაძის ქირურგთა საზოგადოებამ ოფიციალურად გააფართოვა თავისი მოქმედების არეალი და გახდა რესპუბლიკური მასშტაბის.

საზოგადოების მართვის მიმართ მისთვის ჩვეულმა ენერგიულმა მიდგომამ ისევ ტრადიციული გახადა საზოგადოების სხდომები. სწორედ პროფესორ გურამ ტატიშვილის ხელმძღვანელობის პერიოდში მოხერხდა ის, რომ საზოგადოებამ შექმნა თავისი მუდმივმოქმედი ბეჭედიანი ორგანო „საქართველოს ქირურგიის მაცნე“, რომელსაც 2018 წელს მისი სახელი მიენიჭა და ამჟამად იბეჭდება, როგორც „გურამ ტატიშვილის საქართველოს ქირურგიის მაცნე“. უურნალმა დაიმკვიდრა მოწონება და მხარდაჭერა საზოგადოების წევრებს შორის. 2019 წელს იგი გახდა რეცენზირებადი სამეცნიერო-პრაქტიკული ჟურნალი, რომელმაც მოიპოვა რეფერირებადობის სტატუსი.

კიდევ მეტის გაკეთება შეეძლო ბატონ გურამს, მაგრამ განგებამ თავისი ინება.

*პროფესორი ვია თომაძე
საქართველოს გრ.მუხაძის ქირურგთა ასოციაციის პრეზიდენტი
მედიცინის მეცნიერებათა აკადემიის აკადემიკოსი*



სურათი 1. I რიგი მარცხნიდან: გ.დათუაშვილი, დ.გიორგაძე, გ.გვასალია, გ.ტატიშვილი, ნ.ლომიძე, თ.ახმეტელი, გ.კაკოიშვილი, თ.ტაბუცაძე. II რიგი: ზ.იაშვლაშვილი, თ.ქორიძე, ლ.ახმეტელი, კ.ქუნიელია, ზ.ლაზარაშვილი, ნ.ხმალაძე, ნ.ხოტენაშვილი, გ.ცინცაძე, ლ.საგინაშვილი, გ.ტატიშვილი, ი.ფორაქიშვილი

განვლილი გზა

გურამ ტატიშვილი დაიბადა 1929 წლის 18 სექტემბერს.

- 1948 წელს ოქროს მედალზე დაამთავრა თბილისის N8 ვაჟთა სკოლა.
- 1954 წელს წარჩინებით დაამთავრა თბილისის სახელმწიფო სამედიცინო ინსტიტუტი.
- 1954 წლის სექტემბერში დაინიშნა კლინიკური ორდინატორის თანამდებობაზე პედიატრიული ფაკულტეტის ჰოსპიტალური ქირურგიის კათედრაზე.
- 1957 წლის მაისში თბილისის სახელმწიფო სამედიცინო ინსტიტუტის სამეცნიერო საბჭოს სხდომაზე დაიცვა დისერტაცია და მიენიჭა მედიცინის მეცნიერებათა კანდიდატის სამეცნიერო ხარისხი.
- 1957 წლის სექტემბერში დაინიშნა ასისტენტის თანამდებობაზე სამედიცინო ინსტიტუტის პედიატრიული ფაკულტეტის ჰოსპიტალური ქირურგიის კათედრაზე.
- 1958 წლის მაისში დაინიშნა თბილისის სახელმწიფო სამედიცინო ინსტიტუტის სამკურნალო ფაკულტეტის დეკანის მოადგილედ.
- 1958 წლის ოქტომბერში დაინიშნა სტომატოლოგიის და სან-ჰიგიენის ფაკულტეტების დეკანის თანამდებობაზე.
- 1958 წლის ნოემბერში დაინიშნა პედიატრიული ფაკულტეტის ჰოსპიტალური ქირურგიის კათედრის დოცენტის თანამდებობაზე.
- 1960 წლის მაისში დაინიშნა თბილისის ტრავმატოლოგიის და ორთოპედიის სამეცნიერო-კვლევითი ინსტიტუტის დირექტორად.
- 1961 წლის თებერვალში დაინიშნა თბილისის ექიმთა და ხელოვნების ინსტიტუტის დოცენტად გადაუდებელი ქირურგიის კათედრაზე.

- 1961 წლის თებერვალში არჩეულ იქნა თბილისის საქალაქო საბჭოს დეპუტატად.
- 1963 წლის მაისში დაინიშნა სამედიცინო ინსტიტუტის პედიატრიული ფაკულტეტის ჰოსპიტალური ქირურგიის კათედრაზე დოცენტის თანამდებობაზე.
- 1968 წლის ოქტომბერში მოსკოვის ტრავმატოლოგიის და ორთოპედიის ცენტრალური ინსტიტუტის სამეცნიერო საბჭოს სხდომაზე დაიცვა სადოქტორო დისერტაცია და მიენიჭა მედიცინის მეცნიერებათა დოქტორის სამეცნიერო ხარისხი
- 1970 წლის თებერვალში დაინიშნა თბილისის ექსპერიმენტული და კლინიკური ქირურგიის სამეცნიერო-კვლევითი ინსტიტუტის ორგანოთა კონსერვაციის ლაბორატორიის ხელმძღვანელად.



სურათი 3. პროფესორი გურამ ტატიშვილი პაციენტის საწოლთან



სურათი 4. პროფესორი გურამ ტატიშვილი



სურათი 2. პროფესორი გურამ ტატიშვილი კათედრის თანამშრომლებთან ერთად, 1984 წ.

- 1970 წლის აპრილში კონკურსით არჩეულ იქნა სამედიცინო ინსტიტუტის პედიატრიული ფაკულტეტის ჰოსპიტალური ქირურგიის კათედრის პროფესორად.
- 1973 წელს არჩეულ იქნა საქართველოს ქირურგთა სამეცნიერო საზოგადოების თავმჯდომარის მოადგილედ.
- 1973 წელს გადაეცა მოსკოვის სამეცნიერო საზოგადოების საიუბილეო საპატიო მედალი.
- 1974 წლის სექტემბერში კონკურსით არჩეულია სამედიცინო ინსტიტუტის პედიატრიული ფაკულტეტის ჰოსპიტალური ქირურგიის კათედრის გამგედ.
- 1978 წლიდან ქირურგიულ დისციპლინებში სამეცნიერო ხარისხების მიმნიჭებელი საბჭოს თავმჯდომარის მოადგილედ.
- 1978 წელს გადაეცა გრ.მუხაძის სახელობის სამახსოვრო მედალი და სიგელი.
- 1979 წელს შეყვანილ იქნა ჟურნალ „Вестник Хирургии“-ის სარედაქციო საბჭოში.
- 1980 წლის ოქტომბრიდან საქართველოს ჯანმრთელობის დაცვის სამინისტროს მთავარი ქირურგი.
- 1981 წელს ჟურნალ „საბჭოთა მედიცინის“ სარედაქციო საბჭოს წევრი.
- 1982 წლის ოქტომბერში არჩეულ იქნა საბჭოთა კავშირის ქირურგთა სამეცნიერო საზოგადოების გამგეობის წევრად.
- 1982 წელს დაჯილდოვდა საქართველოს უმაღლესი საბჭოს პრეზიდიუმის საპატიო სიგელით.
- 1983 წელს საბჭოთა კავშირის ჯანმრთელობის დაცვის სამინისტროს გადაუდებელი ქირურგიის საპრობლემო კომისიის წევრი.
- 1983 წელს საბჭოთა კავშირის პროქტოლოგების სამეცნიერო საზოგადოების გამგეობის წევრი.
- 1984 წლის სექტემბერში დაინიშნა თსსი სამკურნალო ფაკულტეტის სუბროდინატორთა ქირურგიის კათედრის გამგედ.
- 1984 წლის ივნისში მიენიჭა მეცნიერების დამსახურებული მოღვაწის საპატიო წოდება.
- 1988 წელს მიენიჭა საბჭოთა კავშირის გამომგონებლის სამკერდე საპატიო ნიშანი.
- 1989 წელს მიენიჭა საბჭოთა კავშირის სახელმწიფო პრემიის ლაურეატის საპატიო წოდება.

- 1991 წელს დაინიშნა ქირურგიულ დისციპლინებში სამეცნიერო ხარისხების მიმნიჭებელი საბჭოს თავმჯდომარედ.
- 1992 წელს შეყვანილ იქნა ჟურნალ „Хирургия“-ის სარედაქციო საბჭოში.
- 1994 წელს საქართველოს მედიცინის მეცნიერებათა აკადემიის დამფუძნებელი და ქირურგიულ მეცნიერებათა განყოფილების თავმჯდომარედ.
- 1996 წელს არჩეული იყო გასტროენტეროლოგთა ინტერნაციონალური კლუბის წევრად და ამიერკავკასიის რეგიონალური განყოფილების ხელმძღვანელად.
- 1996 წელს არჩეულ იქნა ქირურგ-ჰეპატოლოგთა საერთაშორისო ასოციაციის ნამდვილ წევრად.
- 1996 წელს არჩეულ იყო პარენტერალური და ენტერალური კვების საერთაშორისო ასოციაციის წევრად.
- 1996 წელს რუსეთის პირველი კონგრესის „პარენტერალური და ენტერალური კვება გასტროენტეროლოგიაში“ საერთაშორისო სამეცნიერო კომიტეტის საბჭოს წევრი.
- 1996 წლიდან დ. ტატიშვილის კლინიკის დამფუძნებელი.
- 1997 წელს ჟურნალ „Анналы хирургической гепатологии“-ის სარედაქციო საბჭოს წევრი.
- 1997 წლიდან სამედიცინო ცენტრ „იუნონას“ დამფუძნებელი და სამეთვალყურეო საბჭოს თავმჯდომარედ.
- 1998 წელს ქალაქის N4 კლინიკური საავადმყოფოს სამეთვალყურეო საბჭოს თავმჯდომარის მოადგილედ.
- 1998 წელს „პარენტერალური და ენტერალური კვება გასტროენტეროლოგიაში“ რუსეთის მე-2 საერთაშორისო კონგრესის ვიცე-პრეზიდენტი.
- 2000 წელს არჩეული იყო საქართველოს ქირურგიული ასოციაციის გამგეობის წევრად.
- 2000 წელს არჩეული იყო საქართველოს მედიცინის მეცნიერებათა აკადემიის ვიცე-პრეზიდენტად.
- 2002 წელს დაჯილდოვდა ღირსების ორდენით.
- 2002 წელს არჩეულ იქნა საზოგადოება „ქუთაისელის“ საპატიო წევრად.
- 2002 წელს დაინიშნა თბილისის სახელმწიფო სამედიცინო უნივერსიტეტის ქირურგიულ სწეულებათა N1 კათედრის პროფესორად.
- 2006 წელს დაინიშნა თბილისის სახელმწიფო სამედიცინო უნივერსიტეტის მრჩეველთა საბჭოს წევრად.



სურათი 3. პროფესორი გურამ ტატიშვილი

- 2012 წელს დაჯილდოვდა საპრეზიდენტო ბრწყინვალეობის ორდენით.
- 2013 წელს დაჯილდოვდა ამადარი საბურთალოელის წოდებით.
- 2014 წელს მიენიჭა პ.შოთაძის სახ. თბილისის სამედიცინო აკადემიის საპატიო პროფესორის წოდება.
- 2014 წელს არჩეულ იქნა საქართველოს აკად. გრ. მუხაძის სახ. ქირურგთა სამეცნიერო საზოგადოებს თავმჯდომარედ.
- 2016 წელს არჩეულ იქნა საქართველოს კრიტიკული მედიცინის ინსტიტუტის საპატიო პროფესორად.
- 2016 წლიდან სამეცნიერო-პრაქტიკული ჟურნალის „საქართველოს ქირურგიის მაცნეს“ სარედაქციო საბჭოს თავმჯდომარე და მთავარი რედაქტორი.

- ბატონი გურამის მიერ შესრულებული იყო და გამოქვეყნდა 214 სამეცნიერო ნაშრომი და 5 მონოგრაფია.
- იგი იყო საავტორო უფლებებით დადასტურებული 12 გამოგონების ავტორი.
- მისი ხელმძღვანელობით შესრულდა და დაცულ იქნა 22 სადისერტაციო ნაშრომი მედიცინის მეცნიერებათა დოქტორის და კანდიდატის სამეცნიერო ხარისხების მოსაპოვებლად.



სურათი 5. პროფესორი გურამ ტატიშვილი ოჯახთან ერთად